

Ymddiriedolaeth Elusennol Ynys Môn

Cofnodion y cyfarfod a gynhaliwyd ar 15 Mawrth, 2016

YN BRESENNOL:	Victor Hughes (Cadeirydd) T LI Hughes (Is-gadeirydd)
	R Dew, Ann Griffith, John Griffith, D R Hughes, W T Hughes, H E Jones, G O Jones, Richard Owain Jones, Raymond Jones, Alun W Mummery, Dafydd Rhys Thomas a Ieuan Williams
WRTH LAW:	Ysgrifennydd, Trysorydd.
	Swyddogion o Gyngor Sir Ynys Môn (y cyfeirir atynt o hyn ymlaen wrth deitlau eu swyddi gyda CSYM)
	Rheolwr Gwasanaethau Cyfreithiol (RJ) (Eitem 1), Swyddog Pwyllgor (MEH).
YMDDIHEURIADAU:	Vaughan Hughes, Llinos Medi Huws, Carwyn Jones, A M Jones, Cynghorydd R.Meirion Jones, Jeffrey M.Evans, R G Parry OBE, Dylan Rees a J A Roberts
HEFYD YN BRESENNOL:	Dim

1 DATGANIAD O DDIDDORDEB

Gwnaed datganiadau o ddiddordeb personol gan y Mri. R.A. Dew, John Griffith, Derlwyn R. Hughes, G.O. Jones, H. Eifion Jones, Alun Mummery ac Ieuan Williams mewn perthynas ag Eitem 6 – Dyfarniadau Grant Mawr 2016 ynghlych cais Eisteddfod Genedlaethol 2017. Nododd yr Aelodau eu bod yn gwasanaethu ar Bwyllgorau Apêl Lleol i Ariannu'r Eisteddfod. Dywedodd y Rheolwr Gwasanaethau Cyfreithiol bod angen i Aelodau'r Ymddiriedolaeth Elusennol sy'n gwasanaethu ar Bwyllgorau Apêl Lleol ar gyfer Eisteddfod Genedlaethol 2017 ddatgan diddordeb personol ond y gallent gymryd rhan a phleidleisio ar y mater hwn. Fodd bynnag, os yw unrhyw Aelod o'r Ymddiriedolaeth Elusennol yn aelod o Bwyllgor Gwaith Eisteddfod Genedlaethol 2017 neu Is-Bwyllgorau o'r Pwyllgor Gwaith, yna byddai angen iddynt ystyried datgan diddordeb sy'n rhagfarnu.

Roedd y Cadeirydd yn dymuno cofnodi ei fod wedi ymddiswyddo o Bwyllgor Gwaith Eisteddfod Genedlaethol 2017 yn ddiweddar.

2 COFNODION

Cadarnhawyd bod cofnodion y cyfarfod a gynhaliwyd ar 27 Ionawr, 2016 yn gywir.

3 CYLLIDEB 2016/17

Cyflwynwyd – adroddiad y Trysorydd mewn perthynas â'r uchod.

PENDERFYNWYD:-

- **Mabwysiadu cyllideb ar gyfer 2016/17 fel a ganlyn: -**

Oriel Ynys Môn	£215k
Neuaddau Pentref	£80k
Cyfleusterau Cymunedol a Chwaraeon a Grantiau Bychan	£125k

Grantiau Mwy	£200k
Ymrwymadau Tymor Hir Parhaus (a ddangosir yn nhabl 3 yr adroddiad)	£200k

- **Dirprwyo i'r Pwyllgor Grantiau Cyffredinol swm o £125k i ymdrin â cheisiadau am Gyfleusterau Cymunedol a Chwaraeon a Grantiau Bychain;**
- **Dirprwyo i'r Pwyllgor Adfywio swm o £200k i ymdrin â cheisiadau am grantiau mwy.**

4 ADRODDIADAU O IS-BWYLLGORAU'R YMDDIRIEDOLAETH ELUSENNOL

Y Bwyllgor Adfywio

Cadarnhawyd cofnodion y cyfarfodydd canlynol o'r Pwyllgor Adfywio ac fe'u mabwysiadwyd lle bo angen :-

- Cofnodion y cyfarfod a gynhaliwyd ar 24 Chwefror, 2016;
- Cofnodion y cyfarfod a gynhaliwyd ar 3 Mawrth, 2016.

5 CAU ALLAN Y WASG A'R CYHOEDD

PENDERFYNWYD mabwysiadu'r canlynol :-

“Dan Adran 100(A)(4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem ganlynol oherwydd y tebygrwydd y câi gwybodaeth ei datgelu a honno'n wybodaeth y gwneir eithriad ohoni yn Atodlen 12A y Ddeddf honno ac yn y Prawf Budd y Cyhoedd sydd ynghlwm.”

6 DYFARNIADAU GRANT MAWR - 2016

Cyflwynwyd – adroddiad y Trysorydd mewn perthynas â dyfarniadau grant mawr ar gyfer 2016.

Adroddodd y Trysorydd fod y Pwyllgor Adfywio a gynhaliwyd ar 3 Mawrth, 2016 wedi argymhell bod pob un o'r pedwar cais a gyflwynwyd yn deilwng o gefnogaeth ond ei fod yn ymwybodol bod y cyfanswm yn gofynnwyd amdano yn uwch na'r cyllid sydd ar gael. Argymhellodd y Pwyllgor Adfywio y dylid dyfarnu'r grantiau canlynol :-

Menter Iaith Môn - £50,000 am flwyddyn yn unig;
Eisteddfod Genedlaethol Cymru 2017 - £37,500;
Menter Gymdeithasol Llangefni - £37,500 – yn amodol ar gadarnhad bod yr holl arian arall wedi'i sicrhau a bod y cynllun yn mynd yn ei flaen;
Cwmni Fran Wen - £45,000 – am flwyddyn yn unig.

Argymhellodd y Pwyllgor Adfywio hefyd na fydd y ceisiadau a dderbyniwyd ar ôl y dyddiad cau ar 10 Chwefror 2016 yn cael eu hystyried.

Roedd cyfanswm y dyraniad yn £170,000 a rhoddwyd 50% o'r swm y gofynnwyd amdano ym mhob achos a dyrannwyd yr arian grant am flwyddyn yn unig sy'n cydymffurfio â'r penderfyniad a wnaed yn flaenorol gan yr Ymddiriedolaeth.

Yn dilyn trafodaethau **PENDERFYNWYD** cymeradwyo argymhellion y Pwyllgor Adfywio a gynhaliwyd ar 3 Mawrth, 2016:-

- **Dyfarnu grantiau i'r 4 sefydliad fel y nodwyd uchod;**
- **Na fydd y ceisiadau a dderbyniwyd ar ôl y dyddiad cau, sef 10 Chwefror 2016, yn cael eu hystyried.**

7 CAU ALLAN Y WASG A'R CYHOEDD

PENDERFYNWYD mabwysiadu'r canlynol: -

"Dan Adran 100 (A) (4) Deddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem ganlynol oherwydd y tebygrwydd y câi gwybodaeth ei datgelu a honno'n wybodaeth y gwneir eithriad ohoni yn Atodlen 12A y Ddeddf honno ac yn y Prawf Budd y Cyhoedd sydd ynghlwm. "

8 GRANT I GYMDEITHAS SIOE AMAETHYDDOL YNYS MÔN

Cyflwynwyd – adroddiad y Trysorydd mewn perthynas â'r dyfarniad grant i Sioe Cymdeithas Amaethyddol Môn.

Adroddodd y Trysorydd fod y cais gan Gymdeithas Sioe Amaethyddol Môn a gyflwynwyd i'r Ymddiriedolaeth Elusennol ar gyfer gwella cyfleusterau ar y Cae Sioe wedi cael ei ddiwygio oherwydd derbyn llai o gyllid na'r disgwyl gan gwmni lleol. Gofynnwyd i'r Ymddiriedolaeth Elusennol lawn ailystyried y cais o gofio'r newidiadau ac ymateb Cymdeithas y Sioe a phenderfynu a ddylid anrhydeddu'r cynnig gwreiddiol o £60,000 ynteu ystyried swm llai.

Yn dilyn trafodaethau **PENDERFYNWYD** anrhydeddu grant o **£60,000** i Sioe Cymdeithas Amaethyddol Môn fel y cymeradwywyd gan gyfarfod llawn yr Ymddiriedolaeth Elusennol a gynhaliwyd ar 13 Gorffennaf, 2015.

**Mr. T. Victor Hughes
Cadeirydd**